



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六〇〇

培根堂集二十二卷（培根堂詩鈔十二卷海天琴趣詞一卷詞餘一卷

養淵堂古文一卷養淵堂駢體文二卷味經齋制藝一卷鑄鐵硯齋試

帖二卷鑄鐵硯齋試帖續編二卷）附高順貞撰翠微軒詩稿三卷 高繼珩 撰 一

袖海樓文錄六卷 黃汝成 撰 二九五

觀古齋妙蓮集三卷 愛新覺羅奕繪 撰 三四五

天游閣集五卷詩補一卷 顧 春 撰 三九九

東海漁歌六卷 顧 春 撰 四三九

瑞榴堂詩四卷 托渾布 撰 四八九

含暉堂遺稿二卷 陳觀酉 撰 五三一

知白軒遺稿四卷附楊瓊詩一卷 楊景程 撰 五五五

春星閣詩鈔十五卷 楊季鸞 撰 六〇一

序

侍御取預常科信詩人之達者太史首聞大正推海內之
詞宗遺集具在嗣響蓋難繁名賢之華冒進前徽于異代
沿流討源方軌齊軫則吾友寄泉其人乎寄泉天才亮特
學海潤翻狀貌偉岸容物指伯仁之遺文章洪奧登科符
子瞻之年著作幾欲等身鉛槧未嘗輟手披覽之暇歌詠
斯寄發摠性情則驚神泣鬼體狀物類則刻楮鏤冰論列
古今則出入遷固模範山水則辟易種浩牢籠萬有變化
百端是編所登鴻瑤共識豹斑未全壯歲所造卓卓如此

培根堂詩集

序

一

子建寸多豈復可量顧子雲自歉于壯夫退之尙目爲餘
事寄泉學古入官立言垂世燕許制作必有更進于是者
會昌一品之著宣公奏議之書次第而表章焉滄州青邱
不得顓美于前矣山陰張世光序

小引

寄泉幼孤依其外家王氏其舅氏王君害厓爲寶坻名宿
閔君振露督之學君兀兀刻苦多聞彊記杜石樵尙書督
學直隸首拔識之弱冠領鄉薦館于津門徐氏者十餘歲
梁承乏大名聘君天雄書院主講並襄校讎詩傳始得
讀君所著才力閎暢沒渾富有生靈言骨兼擅所長游盤
山諸詩尤刻畫雋永耐人吟味至其駢體之工幾于上追
徐庾下掩王楊使得與夫承明著作之林詎爲無媿乃僅
大挑二等行將以廣文調選殊爲可惜然閔君在津門時
交游最廣一時南北才士與君往來者結佩攬環靡不心
折蓋其樹立有素光燄固不能掩也

培根堂詩集

序

一

道光十八年二月初吉長洲陶樸拜手書

高寄泉小傳

天津樊彬文

寄泉名繼珩，天寶坻人。少孤，長於外家舅氏王宮厓先生。殊洽名宿也。教之讀，寄泉專愚，攻苦杜石樵太傅時督

學順天，首拔識之。戊寅舉於鄉，以親老館於天津。天津文

物之地，多江南北豪俊，寓公咸願交寄泉。結珥攬環靡不

心折。時梅丈樹君、咸棲崔文念堂、也結梅花詩社，社中數

十人寄泉詩出，每奪其識。念堂以嚴韓詩屢輯，未成屬寄

泉採訪寄泉專心，致志窮二十餘年之力，訪得六百餘家

詩，臚而師爲刊之上。春官數薦，不售，提二等以錄養就選

培根堂詩集

傳

一

初還樂城，丁母憂，邑人留主書院，講席修樂城志，以韓五

泉康對山陸清獻爲則，刊成頗有文減事增之目。起復選

河間教諭，因文勵行，教士以誠著，演教諭語三十三則，春

秋兩試，售者相望也。調大名教諭，咸豐三年，粵匪北擾，寄

泉奉大吏檄，委練勇防堵，與士卒同甘苦，先清戶口，約賢

紳守城門，詰奸細，四年三月，賊至冠縣，相距七十里，以有

俗未來，窺伺走臨清，破之，四月復至冠縣，寄泉帥勇渡河

禦賊，擒獲數十名，時兵民皆奮勇，爭出格殺者，無算，共擒

獲三百餘名，大名城獲保全，與有力焉。大吏上其功，奉

寄泉數藍翎，咸豐四年黃河銅瓦廂決口，河北開州東明

長垣一帶盡成澤國，寄泉奉檄赴長垣查戶口，解賑銀收

賑米，額車拉運，逐戶散放，錢米跋涉，風雨泥淖，中閭兩年

不辭勞瘁，全活無算，降議保薦奉

旨，以知縣用，抵還廣東，傳茂場鹽課大使，寄泉溫其如玉

與人交，終身無忤，然遇事敢任，要其表裏如一，皆一誠主

之也

丁栢塘

華梅莊

長

詩序一則

寄泉與寶坻高寄泉

任邱邊袖石

齊名時稱爲畿

培根堂詩集

傳

二

南三君

張南山

藝談錄二則

寄泉茹古涵今，才優學博，著有培根堂詩集、養淵堂文集

海天琴趣詞窮二十餘年之力，著嚴韓詩傳爲樂城教諭

時著樂城縣志，蜚階外史餘數種，未暇錄爲大名教諭

奉檄防堵，咸豐四年三月，賊至冠縣，寄泉率兵勇禦之，擒

獲數十名，兵民皆奮勇，爭出格殺無算，大名城獲保全，寄

泉與有力焉

詩話

寄泉至粵，一見如故，其人誠樸之儒，非徒才華之士也

筆

符南樵集 寄心齋詩話一則

余聞寄泉明府名幾二十年矣其詩不可得近始晤于京師索讀所著直擊為多主費宮人故里岳忠武王視諸詩才氣絕橫不可方物惜篇長集三不能悉錄採五律五章列入 國朝正雅集中

培根堂詩集



傳

三

培根堂全稿目錄

第一卷

丁沽萍泛集 古今體詩六十一首

丁沽帆影集 古今體詩四十九首

天雄集 古今體詩一百一十七首

第二卷

樂臺集 古今體詩八十五首

河間集 古今體詩二十二首

後天雄集 古今體詩九十首

培根堂全稿 目錄

第三卷

居庸集 古今體詩二十八首

粉鄉感舊集 古今體詩六十四首

西笑集 古今體詩九十二首

第四卷

北轍南帆集 古今體詩五十二首

珠海集 古今體詩三十六首

珠海歸颿集 古今體詩三十八首

第五卷

清代詩文集彙編

海天琴趣詞四十六闕

詞餘二十六闕

第六卷

養淵堂古文二十四篇

第七卷

養淵堂駢體文二十五篇

第八卷

養淵堂駢體文二十四篇

第九卷

培根堂全稿

目錄

味經齋制藝二十二篇

第十卷

味經齋制藝二十八篇

第十一卷

鑄鐵硯齋試帖

第十二卷

鑄鐵硯齋試帖續編

第十三卷

演教論語

二

第十四卷

蜨階外史

第十五卷

蜨階外史

第十六卷

蜨階外史續編

培根堂全稿

目錄

三

培根堂詩鈔卷一

丁沽萍汎集

遷安高繼珩寄泉

詠史

紛紛枳棘叢難棲鸞鳳姿翩翩鴻鵠志豈爲燕雀知
翁子日採樵生妻求去帷相如歸成都壁立無餘資
登施旣赫濯人皆希尤儀當年委窮巷過問伊何誰
君子貴自立安知世所嗤

平原高鳥盡魚服良弓藏急流苟不退駭浪沈鯨鯢
子胥悲屬錢怒濤湧錢塘鐘室職淮陰六月飛嚴霜
高蹈仿赤

培根堂詩集

卷一

松此事殊渺茫明哲能保身清風懷子房
醴商山芝干古同芬芳

新霽懷鐵杵

雨霽天如洗一鉤涼月生塵懷頓清明
鄉夢倍分明曲檻花搖影
晴空雁有聲知君亦懷我此夜定詩成

偕徐蘭生訪梅丈樹君

成棟不遇

難得兩人閒尋梅款竹關相携花外影
來識夢中顏雪夜舟空泛孤山
鶴未還伊人隔秋水何日許追攀

同人約游田盤山邦均道上作

雲樹鬱蒼茫松林漏夕陽山如迎客笑人爲看花忙
清聲塵心斷從教夙願償一鞭風力緊生恐負春光

入玉石莊山口望少林寺

曲磴漸逼仄益旋尋翠微落紅枯客屐新綠上人衣
佳境妙於轉羣山大合圍僧雛頻指點塔影掛斜暉

嵯峨峰

瘦峭插天際田盤第一峰何年遭却火鍊出碧芙蓉
怒茁萬株笋倒懸千樹松願隨願米拜洗盪舊塵胸

雲淨寺

培根堂詩集

卷一

怪底雲山淨危樓巖幾椽碑經苔暈蝕鐘就樹枝縣地僻
僧無伴梁穿佛見天倚欄人小憇枯柳拂茶烟

由西甘澗文殊洞溝至盤谷寺

兩山夾一溝亂石積如藪猴嶺居其前盤谷蔽其後俗傳
文殊佛說法栢石白自從世尊去千載少人走歲在巳卯
春游山約勝友同抱探幽心先登志各負拾級忽高下捫
石踏躡風攀樹防失足牽蘿待援手手足不能施蛇行繼
以肘一層又一層直到盤谷口山僧遙相呼雲躡不煩扣
入寺重回頭羣山皆培塿乃知天下事盡受退設俗難遇

平垣珍亦難語株守此溝險且峻何以造其首精進優文
珠據地獅子吼

侯家山

小嶺通西澗橫抄一徑斜路如螺轉設人似蟹爬沙石滑
常捫葛藟穿爲避花買山何日事常願住烟霞

法藏寺蟠龍松歌

畫鱗難盡龍畫樹難畫松和龍與松雙管一齊下畫工不
敵天工工今春游盤過法藏欲識龍松破格狀果然鱗角
擎風雲怒濤直捲桃花浪向北一枝伸復回東雲見爪西

培根堂詩集

卷一

三

雲埋想是當年雙眼未曾點不然早已破壁飛去鳴春雷
穩睡不醒蒼髯叟明珠入抱月如斗我欲探之入杯酒一
聲未已滿牢吼

天津城內東偏費家巷傳爲明季費宮人故里

君不見秦家白桿兵桃花馬上會請纓殺賊直如殺雞狗
石砧屹立夫人城又不讀沈氏雲英傳奪父虎穴身百戰
游擊銜加娘子軍大書誌入蕭山縣哀時義烈光閭里憤
結蛾眉不避死宮庭突出女荆軻壯氣英風堪鼎峙甲申
三月天柱踉二百嶺御沈碧波宮人掉頭獨不顧七首雪

亮懸胸窩豐干何事苦饒舌貴主芳名假不得竟將虜
配才人痛哭蒼天甘縱賊宮人皆裂心忡忡權將老革當
元兇泰山鴻毛等死耳封狼血映蟾蜍紅吁嗟乎衣冠巾
幘當時有巾幘如斯真不朽綠珠井與明妃村豔事徒然
掛人口我來故里訪遺跡堂前燕子無人識當日門楣何
處尋故老難逢空歎惜空歎惜留桑梓海潮夜挾陰風起
漆身吞炭將毋同一著殘棋報天子竭來憑弔不勝情古
巷斜陽感廢興莫道費家秋色冷西風衰草十三陵

岳忠武王遺視歌爲宋文瀾銘堯賦

培根堂詩集

卷一

四

大鵬奮翮忠心赤金牌歸命血痕碧赤心碧血何處尋祇
膽當年一片石石亘長虹氣不消何論青花與白蕉想見
羽檄日旁午一硯如山難動搖不能痛飲黃龍府悠悠此
恨天難補何年又歸中山王英雄愛惜顏摩挲硯旁有明中山王墓
中山百戰樹音勳三百問基事業新能將已缺天全補要
替湯陰作替人吁嗟乎金陀坊裏家書寄斷腸字字疑紅
淚大功坊字膺褒封揮毫賜錫殊雍容岳王何其悲徐王
何其喜喜情懷一硯知滄桑歷劫如彈指我聞東方未
明擊權奄趙高邑有東方未明硯銘曰後月癸亥大白賊
賊維三就更五點此時拜望擊大奄事成策敗

功不成謝山先生視 韜文曉更有文山玉帶
同汝竹垞太史有 合之四美俱無玷留守棋予嘗見天守守
玉帝生歌聖潔如三意以恒爲之刻澤 斯王寶棋山太守有索馬
二分書案直太昂不能購也蘇王寶 蘇王寶蘇王寶
首賢手澤均堪重奇物奇人信有緣於今此硯歸於宋
清時偃武掃機槍持賦梅花筆墨馨會看檮燭脩全史古
色爛斑照汗青

三好歌贈孫春沂日點 卽送還都

孫君三好棋酒書各有奇氣凌空虛酸鹹世味殊嗜好俗
塵萬斛全消除有時間對文楸局神機倏變冷暖玉打盡

培根堂詩集 卷一

五

紅羊小劫天生使積薪雙手束有時滿斟金叵羅一氣一
斗鯨吸波多少大戶望塵拜雙頰不露朱顏酖有時手握
如椽筆揮灑淋漓風雨疾棋之變化酒之豪拂拂都從十
指出更施餘技爲文章班香薰透中酒腸龍牙在懷森萬
象雞距入手窮三倉嗚乎孫君才若此早應簪筆明光裏
胡爲落拓苦依人年年萍跡隨流水天涯我亦如蓬飄塗
鴉鴉引誰解嘲心盲不識局幾道量淺詎勝醅三蕉樽材
不爲宗匠棄瀕行惠我換鷺字離緒難同樵斧忘深情直
抵醅醪醉西風殘照還春明循陔長慰倚閭情一肩行李

奚奴負筆囊棋匣共酒罍孫君孫君善自勉且將棋酒光
陰遣有日揮毫入鳳池搏風健翮從容展他年倘卜軟紅
居清簾疎簾日造廬願貰元亭問奇酒看君更作擘窠書
瓶菊

菱枝翦葉小經綰瘦影橫斜妙入神一盞寒泉饒供養天
然靖節配靈均

巧安萊几障雲屏笑對黃花眼獨青頻囑奚奴溫寶鴨莫
教凍損汝窠瓶

重簾鉤地護霜痕消受殘香一縷溫多少遺枝應羨汝西

培根堂詩集 卷一

八

風猶自寄籬根

下酒謠

赤帝子爲亭長居泗水送徒到驪山縱徒歸故里公等皆
去吾逝矣老龍當道卧大蛇安得過袖中青蛇時一揮首
尾立分腥血飛旣斷蛇旋逐鹿一夜西風鬼母哭公既有
劍能刺犀何不家中殺野雞

大丈夫當如此彼可取而代西楚霸王語類是成則帝敗
則死生歌臺上風死咽烏江水此中具有天命耳若以成
公論埋沒英雄矣

鴻門宴項莊劍光飛匹練沛公之命危一線笑噲真壯士
目眦盡裂髮上指死且不敢辭何論彘肩與酒卮示玉玦
碎玉斗沐猴而冠負此史廁中有人間道走

而欲烹而翁分我一杯羹置之死地然後生啗哉往天地
乃以兵法行爲天下者不顧家殺之無益徒損名片言緩
類怨氣平太公乃不僂韓彭若使當年無項伯几上肉作
鼎中液

銅馬帝英雄真蓋世今日復見漢官儀一時老吏咸垂泣
火爲主乃天數鳳翼龍鱗任攀附賊赤眉朕赤心羣雄角

培根堂詩集

卷一

七

逐威就擒見小敵怯大敵勇乃知帝王自有真帝王自有
真齊混龍與蛇君不見遼東豕井底蛙

貧賤之交不可忘懷德之妻不下堂嗟哉事不諧回首語
湖陽富易交貴易妻依古以來信有之田舍翁多收十斛
麥左抱綠瘦右紅肥何況貴居九重上那不黃裏歌綠衣
君不見娶妻當娶陰麗華郭后幽廢長咨嗟

清白吏闢西夫子台輔器天知地知爾我知金來暮夜嫌
應避嫌應避讓何巧夕陽亭西徒熱惱生前賀者有三賢

死後弔者惟一鳥

六陵盡兵如火有尸應教馬革裹銅柱功名毒霧埋飛鷹
跼跼水中墮覆轍哉是翁橫牽不僧可聚米爲山陣雲鎖
一朝困壺頭哆侈箕舌簞蕙苴明珠何必剖當時莫塞梁
松口梁松亦有敗死時畫虎不成反類狗

隆準手斲白帝子昭烈乃在白帝祖英雄氣盡手託六尺
孤嗣子可輔則輔之觀時察變無失機不然君自取休令
器足亡根基劉使君真英雄末命直沈胸臆中卅年契魚
水何至疑蛇弓此間樂不思蜀早知阿斗才碌碌甘以錦
城資卧龍勝豎降幡悲失鹿

培根堂詩集

卷一

八

雞聲

雞聲喔喔漏沈沈明昧闌頭敢自瘖與爾談元多妙諦送
人出險有餘音叫殘堊店凄迷月提醒塵寰睡夢心幾輩
祖鞭先我著摩挲長歛起悲吟

機聲

誰家絡緯徹宵鳴織素流黃想未成似共文心抽乙乙每
時夜漏轉更更惜陰莫挽拋梭影入耳難忘斷杼情金盡
年來裘亦敝最消魂是下機聲

春陰

應是東皇懶放晴困人天氣又清明禁風簾幙吹難起
水樓臺盡不成薄暝易從杉屋覺溼潤常傍柳絲生曉來
料峭寒猶重欲典征袍繫我情

送雙松歸省

柳比人憔悴低徊不忍攀羨君懷裏筆先我唱刀環得失
塞翁馬變遷思叟山歸心差足慰菽水侍慈顏
形影孤如雁風霜祇自知惟憑好兄弟相與共扶持小別
增惆悵重來繫夢思徐陵儲菊酒遲爾醉東籬

哭劉韻湖

培根堂詩集

卷一

九

三沽名士漸飄零淚眼看天一樣青怪底滿城風雨惡破
空吹隕少微星

說到名場心暗悲青衫困頓骨支離可憐阿弟登龍去魂
斷泥金報捷時

一從緣綺斷朱絃忍把鸞膠續舊緣今日鴛鴦築成塚廣
陵散絕悼亡篇

韻湖喪偶後終身不娶賦詩萬首多悼亡之作

每讀君詩意氣傾緣慳一面昧平生吟成持向秋墳火願
訂他生臭味盟

落花 壬午公車報罷後作

不隨桃李傍公門風泊鸞鵲又一村紅雨紛紛應化淚絲
陰漠漠寂無言誰尋淨土埋殘蒂可有名香返舊魂多感
流光如逝水惜春心事共誰論

已拚色相付空空過眼繁華曉鏡中今薄難逃三月五情
癡怕聽五更風平分箇惘天心白紙剩文章水面紅我亦
天涯感淪落提將因果問蒼穹

會記穠華帶露時九疑萼綠鬪丰姿劉芳小苑金鈴護侵
被江城玉笛吹何處酒杯名不落一年春信到將離閒情
不許游絲綰綰偏向勞人拂鬢絲

培根堂詩集

卷一

十

萍梗生涯舞絮絲游仙一枕夢難圓香消粉退醒胡蝶雨
妒風狂泣杜鵑佳小黃鸝渾渾惜別化來紫玉已如煙江郎
縱有生花管寫到花殘也黯然

殘紅狼籍逐波流風景非秋却似秋鴻爪難尋香雪海蛾
眉已墜綠珠樓再來漁父迷桃渡絕世佳人葬玉鈞憐子
惱公聽不得莫愁歌罷更生愁

不飲胡爲醉欲酣忍看零落徑三三虞兮血迸重圍地白
也魂消暗別潭人每相憐天反妒樹猶如此我何堪低徊
欲託前生果一片癡雲釋法曇

草夢

夢裡光陰野燒枯青青舊迹幾時蘇隔年花信紫懷人一寸冬心入抱孤情懂幾忘春似海惺忪漸覺雨如酥池塘句好殷勤問天外羣山睡醒無

蝶魂

芳魂一縷正搖搖知逐花飄逐絮飄撲鼻香濃雖易返滿身粉退不禁消漆園可惜莊周化苦徑曾經謝逸招便有滕王五色筆幻中小影亦難描

寄宦曉林明府山西

培根堂詩集

卷一

十一

回首分襟五月中太行汾水夢魂通詩成尙帶幽燕氣書到如親唐魏風似此宦情差不俗幾人臭味與君同自憐鷗鳥三沽寄不及西飛雪裡鴻

潞河感舊

十年不到潞河城眼底滄桑幾變更惟有城隅古蘭若浮圖依舊向空撐

桃花門巷夕陽多賃廡梁鴻幾度過聞說雕梁三易主尋

巢社燕感如何

街頭樹影尙離披不見當年舊餅師彷彿黃墳魂斷處綠

桃根畔立多時昔赴試時每時餅而食

寄慰孔繡山憲葬悼亡

西風快於剪霜新連理枝我聞心惻惻况君身當之憶君前年冬保陽初結褵比肩兩璧人載歸淚水溜姑翁見之喜羹湯手親炊綉窗靜無事喁喁畫纖眉有時作繪事弄粉互調脂有時發清吟唱和若華詞去年寄我書古夢符熊羆瑞靄照德門誕生石麟兒高堂笑口開弄孫而含飴自從丁大故牛衣相扶持方冀歌偕老白頭終唱隨何期紅閨彥條爲二豎欺收涼以袂體風露甘凄其恨無返生

培根堂詩集

卷一

十二

香東手嗟盧醫可憐羅浮花竟同慈姑菱夢素夫人名持菱時距太夫人

哀不及一載索乳雖啞啞對之增歎歎安得懷懷草嫋嫋而來

遲賤子陳芻蕘愚者進一知君本清華冒趨庭訓聞詩兩

葉待承歡何以慰重惡同氣待匡輔何以吹填篋貌孤待

庇蔭何以培蘭墀人身非金石憂錄如殘廢努力慎眠食

賣此千金姿勉學莊生蓬勿效奉倩癡我有糟糠婦綠裳

誓如椎玲瓏莫難弱還荷瑤華遺物在人斯亡玉節同干

玉蘭姊妹花未見成將離詩成寄遠人黃姑渡河明夫

孫不忍聞淚雨霏淋漓詩或於七夕時大雨如注

已丑報罷後車中作寄李芝湖學博昌平

料峭東風作意寒
初花如雪撲歸鞦韆
來仍負三沽米
羨煞蕭齋肯宿盪

大官米飯碧芹羹
也是吾儕養情爲
問涼姑泉井客
板邊曾否到昌平

十三陵上夕陽多
松蔭殘碑手自摩
紅樹青山皆伴侶
新詩題罷自吟哦

吟成珍重付征鴻
愁對殘英滿路紅
若向劉黃祠下過
平生辦香爲我薦春風

培根堂詩集 卷一

贈姚朗山 承恩

垂簾靜對坐移時
消我胸中鄙吝思
無敵才真如白也
承家風不愧元之冰

心獨抱絃塵想
梅骨能修肖導師
詩骨清高
沉壺一氣花萼竹林相照映
一門羣從盡奇姿
難弟玉晨
小兒菊坪
皆備才也

披襟容我話蟬嫣
豈是浮生泛泛緣
四座蘭芬羅墨寶
一簾梅雨溼茶烟
得沾餘液心先醉
癖嗜枯病性太偏
索子
辭體

近小技雕蟲勞弁首
愧無錦段報纏綿
願週畿甸訪詩人
孤棹愁難徧問津
何幸知音遇
幾合好

持同志報崔駟
曉林
燕臺市駿休遺骨
薄海探驥共探珍
從此先賢心丘聚
不教香草歎沈淪

秋生以春茶留餉賦謝兼以誌別

一筒紫笋抵瓊英
舞賜重尋淡水盟
七盃精神和夢浣
南人臭味比詩清
感君預解相思渴
發我孤懷忍獨烹
何日重攜鴻漸手
繡經花裏共支筵

題蔡晚孫傳謹重理故園圖

百年喬木幾家存
堂構重新仰德門
明月飛鳥原繞樹
西風落葉自歸根
軒窗仍染詩書氣
梁棟全無斧鑿痕
袞袞

培根堂詩集 卷一

魚鹽塵世裡
浮家誰識狀元孫
調季實
殷撰

豈徒樓閣幻空中
立奏門庭再造功
補壁泥黏當日紫
翻堦花發昔年紅
和聲自有鳴陰鶴
回首應憐逐浪蓬
福地幾生脩此福
經營又見主人翁

賀梅丈樹君移居

左倉門畔闢新居
家具零星檢舊儲
莫怪聒吟嘆
清絕壓肩只賸幾箱書

屋容旋馬屋盟鷗
舊雨苔岑足唱酬
多種蘭湘數竿竹
會看直築選詩樓
先生有竹
樓編詩圖

少陵家在鄜州住元結居曾瀝水遷多少樓臺頻換主詩人第宅至今傳

情多莫戀舊巢痕高隱襟懷勝鹿門天地蓬廬原逆旅相期珍重葆靈根

培根堂詩集

卷一

五

培根堂詩鈔卷二

丁沽帆影集

遷安高繼珩寄泉

申屠晉齋

世寶

惠詩示以相廬水山之勝作此奉酬

賤子生北方家住田盤麓排雲廿四峯山光洗人目卯春曾一詩能看雙綠松泉條萬變探幽苦不足一從囊筆來使人歸蓬代負米養慈親差冀供半菽十載成勞薪還借僧寮宿山雲笑我癡何年返初服讀君山水詠都心陡振觸恍如復舊情招我歸盤谷囊無買山資素願負清福歸夢夜迢迢望雲空局促

培根堂詩集

卷二

一

身如一葉萍泛泛丁字沽空谷遇佳人貽我明月珠意氣水合乳雅度冰在壺醪醑心易醉蘭臭情相孚願言奏里曲爲君歌烏烏

申屠漢著姓歷代多偉人相業砥中流倭倖心爲馴直諫止游幸抗身而輒輪因樹結茅屋復員爲天民振隱亦游戲仙骨超凡塵遙遙數千載高風誰爲振夫君不世才備書懷席珍轉胸看燒尾珥筆依

楓宸蒼生沐霖雨赤手迴陽春衣錦返珂里垂釣桐江濱勞力繩祖武出處咸彬彬崑崙桐君山千古同嶽岫

爲我說故鄉詩筆湛秋露我非桐廬人亦動蕪湖暮客星
照雪離冥鴻不可泝正氣弔文山皋羽尙留墓九里梅花
洲香海松江渡南山多畫眉笙簫圓嗟人保地則靈物
亦殊兼賦夢想富春山莫展江東步何時挂輕帆選勝釣
臺路一洗塵塏心同傾山水趣

擬李長吉將進酒

酒星孤照劉伶墳酒泉難起平原君空張瞿眼看白日倏
忽變滅春空雲蓮花歌柘枝舞招酒徒詣賢主靈瑟束素
程唇紅醉煞春魂香一縷吁嗟乎人生不飲徒自苦挑花
時長室詩集 卷二

孤鷺翼離歌爲馬母洪太孺人作

望風逼天成鳳死顧影孤鷺孤莫比遙從丹穴抱鷓鴣雛儼
若青禽將鷓鴣子孤鷺本是離羣妾竹食梧棲振羽儀求凰
昔遇烏衣彥射雀曾牽繡幕絲假令朝陽叶藹吉同歸燕
寢調瑤瑟偕老宜歌弋雁章好述華本關雎匹朝雉頽歌
未結縞倏同病鶴骨難支翼難可比今誰比名錫長離竟
永離孤鷺聞之淒欲絕彩紋陡變雪衣潔骨如寒鐵心如
冰花枝澀遍啼鵲血淹蹇誰憐鵲退風文鴛折翅感途窮

數奇合作單栖鳥志決常依半死桐老鳳思難莫悲嘯代
養有人供鶴料誓將返哺奮鳥慈忍令祝噎慚鳩孝鳳釵
典盡作羹湯鳬鼎烟消五夜長秋雨雁奴醒遑激春風燕
子伴空梁老鳳雙雙昇鶴馭蝶翼兜土埋仙翥不惜經營
手口瘡歸葬丹山最深處單門拮据少遺孤何處投懷引
燕雛叔姊明珠貽寡鵠衰宗元草屬辜烏一髮千鈞肩莫
謝九熊畫荻消長夜蛾術勤於鳥數飛騰程盼到鯤能化
苦心不負有青天到底宗枝一綫延斯連勢關三霄路夢
驚文成萬選錢離鳳聲清毛羽變扶搖九萬搏如電立持
培根堂詩集 卷二

題梅

閑持湘管寫南枝多少鄉心付阿誰驛使不來春又去黃
梅將熟雨絲絲
小窗寂寞月黃昏消受疏烟一抹痕絕憶南陽袁處士雪
花如掌不開門

欲買臙脂畫牡丹囊空那得一錢看小窗剩有南枝影勾
取水魂共歲寒

林和靖抱烟霞骨米廣平懷鐵石心養得根荄生意足也
宜廊廟也山林

自畫蘭扇贈孔繡山意葵卽送之昌平讀書

畫蘭如畫龍胸有靈氣蟠虛空見首見尾條閃爍筆挾疾
雨兼驚風畫蘭如畫馬牝牡驪黃稱心寫骨相能將皮相
超六駟八駿皆瘡痍我畫蘭花無所師揮灑任其意所之
世人見之皆唾罵君垂青眼偏稱奇開箱付我聚頭扇囑

培根堂詩集

卷二

四

畫幽香三兩前感君雅意一揮毫盈盈露眼珠痕淚短衣
策蹇游昌平執手錄別難爲情抱琴爲譜荷蘭曲絃絃都
作斷腸聲知君此去覃精思心花怒發便便寄同心况有
玉溪生謂李稚舉時培風共養摩天翅功餘閑上十三陵
懷古吟情感不勝興來定把靈均賦寫到烟蘿最上層風
根意慈勤培養臺省揚風如反掌珍重琴雲龍馬姿騰驤
達路超塵鞅素心人去淚絲絲扇上西風管別離一束芳
蘭君記取殷勤爲薦去華祠唐劉諫諫黃字
去華祠在昌平

袖石以嘉魚晚松見餽賦謝

劇憐乞食餓王孫忽地分餐到華門幾載烟波成釣侶一
畦風露憶秋園頓教鄉夢消鱸膾同把冬心證菜根欲和
新詩愁腹負酸鹹滋味待重論

寄懷馬鶴船卽題其三研齋詩卷時乙未除夕二鼓
後也

春明返轡落花時驢背馱歸一卷詩寶壓輕裝虹萬丈酒
沾別袂淚千絲七年往蹟從新數詩始癸未迄巳丑半載閑愁借
此支孤館挑燈慰岑寂閒編恍對舊鬚眉

詩到能傳祇一眞日輪出浴總鮮新情惟相印堪移我語

培根堂詩集

卷二

五

本無離恥寄人沃雪詞華如此後十雲意氣幾時伸蒼蒼
若爲蒼生計忍使斯才更隱淪
米珠薪桂居非易且共梅花守歲寒范叔青袍偏耐冷文
淵絳帳果誰安便思晤鶴窩俱徙縱到無魚缺不彈馬似
游龍車似水書生著腳本來難
萬家爆竹響晴雷斗室新成避債臺燈吐雙花春不翦集
編束笋喜重開團樂剛下慈親拜笑語如逢故友來草就
新詩堅後約杏花香裏共銜杯

溫東川吉士

予與

自都來津小集桃明山齋中賦此